



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XX. Exhortatio sive lectio spiritualis.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

vi aestimet tempus, quod in verbis consumitur otiosis: volat verbum irrevocabile: volat tempus irremediabile, nec advertit insipiens, quid amittat. Licet fabulari, dicunt, donec hora praterat. O! donec praterat hora, quam tibi ad agendam pœnitentiam, ad obtinendam veniam, ad acquirendam gratiam, ad promerendam gloriam, miseratio conditoris indulget. Donec transeat tempus, quo divinam propitiare debueras pietatem, properare ad Angelicam Societatem, suspirare ad amissam hereditatem, excitare remissam voluntatem, flere commissam iniquitatem. Serm. ad Schol.

CAPUT XX.

*Exhortatio sive lectio
Spiritualis.*

EX illa ut proficiamus, simplicem ac docilem animum adhibeamus est necesse, illis enim, qui hujusmodi sunt, cœlestis Doctrinæ gustum impetiri Deus consuevit. *Abcondisti hæc à sapientibus & prudentibus, & revelasti ea parvulis.* Cor etiam habere debemus affectum desiderio addiscendi veritatem & placita nostri status Religiosi, illa ut ipso opere perficiamus: scriptum est enim, verum ac sincerum discendi desiderium esse primum gradum, qui nos ad sapientiam deducat. *Initium sapientiæ verissima*

Matth. II.

25.

Sap. 6. 13.

G g 5

est

est disciplina concupiscentia. Atque iterum:
Math. 5. 6. Beati qui esuriunt & sitiunt iustitiam, quoniam ipsi saturabuntur.

Directio. Domine Deus, Religio me in
 „ hunc locum conferre me jubet, ut isthic in
 „ viis perfectionis ac sancti amoris tui eru-
 „ diar. Me, obsecro te, dignum Sanctâ Scho-
 „ lâ tuâ discipulum constitue, & simplicita-
 „ tem ac docilitatem animi mihi impertire.
 „ Gratiam mihi concede, ut attentum me
 „ præbeam, quò sic intelligam ac memoriâ
 „ retineam ea, quæ Magister aut Director
 „ meus verbis tuis dicturus est mihi, ut meas
 „ obligationes ubi magis magisque cogno-
 „ vero, magna illas fidelitate adimpleam.
 „ Te etiam oro, Sacratissima Virgo, hanc
 „ mihi gratiam ut obtineas.

*Monita ex Literis sacris
 deprompta.*

- Iac. 1. 22. Estote factores verbi, & non auditores tantum fallentes vos metipsos.*
Rom. 2. 13. Non auditores legis iusti sunt apud Deum, sed factores legis iustificabuntur.
Deut. 24. 8. Facies quæcunque docuerint te Sacerdotes.
Ioan. 14. 23. Si quis diligit me, Sermonem meum servabit.
e. 13. 17. Si hac scitis, beati eritis, si feceritis ea.